

چند علیہ

مشيخت جليلہ اسلاميك جريدہ رسميه ميدير

۱۵ رمضان سنہ ۱۳۳۸

— دارالمعلمینده دینی موعظه‌لر —

اوچنچی موعظه‌نک خلاصه‌سی

دین مبین اسلامده طرز تلقینک بر قاعدهٔ عمومی‌سی واردر . اوده عصرده ، زمانه ، محیطه ، شخصه کوره دکی شیر . قاعده تغیر ایتمز . یالکمز صورت تطبیقی مختلفدر . تلقین بودینک لوازم طبعیه‌سندندر . بوندن دولای ائمهٔ دین مختلف طرز تلقین کوسترمشلردر . بز بوراده دوغروندن دوغروییه فخر کاشنات اقدمنز حضر تلرینک صورت تلقینلرندن بحث ایده جکمز .

دین مبین اسلامده الله و رسول اللهک سوزندن باشقه بوتون ائمه و مسلمانلرک سوزلری بزم ایچون بر دلیل قاطع اولاماز . آنلرک سوزلری اخذده اولنور ، ترکده اولنور ، سوزلرینک اخذ اولنسی ضروری دکلددر . آنجق رسول اکرم اقدمنز حضر تلرینک هر سوزی اخذ اولنور .

فخر عالم اقدیمز حضر تلری بوتون دنیایه تیسیری اخطار ایدیور . بالخاصه معاذبن جبل ایله ابوموسی الاشعری حضر اته شو تبلیغده بولنور : « یسرا ولا تعسرا بشرا ولا تنفرا » یعنی هر ایکیزه امر یکیزده قولایلق کوسترک ، کوچلک کوسترمه یک ؛ هر امر یکیزده بشارت کوستریکمز ؛ یوقسه نفرت دکل . .. بوندن دینک طرز تلقینی تعسیر ایله دکل ، تیسیر ایله ؛ تنفیر ایله دکل تبشیر ایله اولدینی کلاشیلیور . حضرت پیغمبر علیه الصلاة والسلام هر ایکی شقی یعنی تعسیر و تنفیری بسبتون رد ایچون « قولایلق کوسترک » دیدکدن صکره برده « کوچلک کوسترمه یک » دیور ؛ تبشیر امرندن صکره برده تنفیری نهی ایدیور . تیسیر و تبشیری مقابللری ایله جزم ایله ذکر ایدیور . دیگر بر حدیث شریفده « ان هذا الدین یسر » بویوریور یعنی بودینده آنجق یسر واردر . دین اسلام ضرورت و احتیاج زماننده دائما سهولت کوسترر . ناسه اوفق اولانی آزار . دین اسلامده نسیان ، خطا معفودر . دین اسلامک روحنده الفت ، توادد ، تناصر واردر ؛ تقاطع ، تنافر یوقدر . نته کیم الله عظیم الشان « فاعفوا و اصفحوا » نظم جلیلی ایله عفو و صفحی امر ایدیور . دین اسلامده کی بومساححه ، بوجامله بغض و عداوت القایدن اسبابی کوکندن

قاع ایدر . دین اسلام نصایحی بر قومه ، بر جمعبه دکل انسابته قارشی خطاب ایدیور . و دیورکه « نفسکه لایق کوردیک شئی باشقهرینه ده لایق کور » دین اسلام هر مشکلاتدن حذر ایدر ، ترقی بی امر ایلر . تدنی دینک الک بیوک دشمنی در . چونکه قولده اولان قوای ماده و معنویه فطری و خلقی برر موهبه در . هیدنک موضوع ایی واردر . آنلری ماوضع الهک غریبه استعمال جائز دکلدر . فیاض مطلق بوموهبه نک اوزرینه برده مستقل بر اراده ویرمشدر . حیاته موفقیته ، اراده ایله حاصل اولور . اراده ده بالخاصه استقلال شخصی مطلوبدر . حق ائمه دین اوقادار ایلری کتمشلردرکه بعضی مذاهیده نکاح مسئله سنده یالکیز زوج ایله زوجه نک رضایری ، متقابل موافقتلری کافی کورولور . دین اسلام اراده بشری سلب ایتمز ، رؤسای دینه نک اراده سی آئنده مقهور ایلمز . دین اسلام طبیعه ، خلقته قارشی کمز ؛ شهواتی اماته ایلمز ، طبیعی محرومیه آیشدیرماز . طبیاتی کوسترر . « کلا من طیات مارزقاکم » یعنی « ای قوللرم سزه ویردیکم طیب (تمیز و حلال) اولان شیرلی ییک » یوریلکور .

دین اسلام جسمک حرکاتی تعطیل ایتمز ، جسمی استحقاقدن محروم ایله منز . یالکیز سوء استعمالدن منع ایدر . طریق اعتدال ایله خیره آیشدیرر . هر کس آنحق کنندی ساحه سنده ، آخرک حقوقه تجاوز ایتمه مک شرطیله قوای ماده و معنویه سندن استفاده ایدر . دین اسلامده یکیکل ، اسکیکل یوقدر . دینک نقطه نظری آنحق جلب منافع و دفع مضراتدر . دین اسلامک نه قادار انسانی وشموللی اولدیغنی شونندن ده آکلایه ییلر زکه دین مبین « خیرالناس من نفعالناس شرالناس من یضرناس » یعنی « انسانک الک کاملی و خیرلیمی انسانلره خیری اولاندر ، انسانلرک فاسی اولنره ضرر ویرمندر . » دستوری رهبر حرکت اتخاذ ایدر . دین اسلامک استناد کاهی حق ، هدی هدایت ، دستوری تعاوندر . دین اسلام هم فردی ، هم جمعی در . فردی صلابت ، جماعته نزاهت ویرر .

دردنجی موعظه نک خلاصه سی

بر مسئله تلقین و تعلیم اولنه جفی زمان اول امرده آنی بشارتله و سهولتله تلقین ایتملی . چونکه فکر بشر تلقینه پک مستعددر . ذهن نه صورتله تلقین ایدیلسه او صورتله قبوله متمایلدر .

تلقین و تعلیمک قانونلری ایکی اساس اوزرینه مؤسسدر : بری تدریجی اولوق ، دیگرى تعاملی اولوقدر .

احکام دینه متعارف و بدیهی اولانلردن باشلاپهرق معلومدن مجهوللر تلقین ایدیلک صورتیه تعایم ایدیلمر . تعلیم خصوصنده عرفه ، عاده توفیق حرکت اولنور .

بیلورزکه ادیان مختلفدر . بزجه دوت شریعت وارددر : ۱ : شریعت صابئه ، ۲ : شریعت موسویه ، ۳ : شریعت عیسویه ، ۴ : شریعت محمدیهدر . شریعت صابئه حضرت موسادن اول کلان حضرت ابراهیمک شریعتدر . شرایع سالفیه بدعتلر ، خزافلر قازیشمشیدر . کندیسنه بدعت و خرافه قازیشمایان شریعت ؛ آنحق شریعت محمدیهدر . ایلمک شریعتی تعقیب ایدون دیگر شریعت اولنکی شریعتک منمى در . الکصوک اولارق حکمی ابدیاً جاری ، بک اساسی حکملری حاوی اولان دین مبین ظهور ایتشددر .

بو دوت شریعتده عبادت خدا بر وظیفه اساسیهدر ، الله تعالیه عبادتک بر روحی وارددر ، برده مصدری . روحی ؛ اخلاصدر . هر امرالهی بی صدق و خلوص ایله ایفا ایدن کیمسه عبادت قارشی ده صادق و اوصاف مدوحه ایله متصف اولور . مباح اولان هرشیده الله رضایی دوشونولورسه او شی عبادت صاییلر . دها دوغروسى هرهانکی بر فعل حسن نیته ، خلوصه مقارن اولورسه دین مبینده اوفعله فضیلت و عبادت دیرلر .

عبادتک مصدری رأفت و رحمتدر . شریعت صابئه انسانلر سن طفولیتده ایدی . شریعت محمدیهده سن رشد و اصل اولدی . اسکی شریعتلرده شدتلی تکالیف واردی ، براهین یوقدی . چونکه اوزمان انسانلر آنحق حسلیله آکلايه بیایورلردی . عقل و منطق ایله کشفه اهل دکلرزدی . فقط حادثات انسانلرک حسلرندن دها رقیق بر شعور ویردی . و بو شعور واسطه سیله انسانلر بینه سز ، غیر معقول هیچ بر تکلیفی قبول ایتیه بک قادار ساحه تمدنه کلدکن صوکرده دین اسلام عقلی ، منطقی ، احتیاجات عصریهیه مطابق اولارق کلدی . آرتق نوع انسانی قوت و کمال بولش ، هدایت ایچون کوندردیکی اعلام کافی کلش اولغله باشقه بر دینه احتیاج قالماشدر . جناب حق هرامته خیر اولان ، زمانه ملایم اولان صورتی امر ایددر . ادیان الهیه آراسنده کی اشکال و صور عبادتده کی اختلاف بوندن ناشیدر .

شرایع الهیه تدریجی اولدینی کبی تلقینات دینیه تدریجی در . بوده پیغمبر من حضرت محمد (صلعم) ک حیاتنده کی آری آری آیات و بینات ایله ثابتدر . توحیده عائد اولان جهتنده شدت کوسترلمشدر . چونکه دینک روحی توحیددر .

جناب پیغمبر ، بت پرستلک و منکراتک غیری اولان عاداتی تقریر ایشدر . عرف و عاده بر طاقم احکام شرعیه بنا ایشدر که عرف و عاداتک تبدلی ایله اوکا بناء ایدیلن حکم شرعی ده تبدل ایدر . مدینه یه هجرت سنیه وقوع بولنجه مدینه ده مسلملر ایله غیر مسلملر آرسنده مواده ، مکلی مسلملر ایله مدینه لی مسلملر آرسنده مواخت واقع اولدی . قارداش اولانلر ، بر لرینه وارث بیله اولور لر دی . غزوات جلیله پیغمبری بوندن صو کرا باشلامشدی . اوروج ، زکوة ، حج کبی فرائض ، شراب ایچمه نک نهی کبی احکام اسلامی تدریجی بر صورتده و مدینه ده وارد اولمشدر . کذلک ربا ده ارنحال پیغمبرینک راز اولنده نهی ایدلمشدر . عملی احکام شرعی بیان ایدن علم فقہ ، بش مرتبه یه آیرله یایر که هر بر مرتبه اولکی مرتبه دن ده واسع در . ایلک مرتبه سی الیوم مفتی به اولان احکام در . ایکنجی مرتبه سی کرک مفتی به اولسون و کرک اولماسون کتب فقهیه ده فقهای حنفیه دن بعضلرینک بیان ایتدکلی احکام در . اوچنجی مرتبه سی ائمه اربعه نک کتابلرنده بیان اولنن احکام در . دردنجی مرتبه سی اهل سنت فقهاسنک بیان ایتدکلی احکام ، بشنجی مرتبه سی علی الاطلاق اسلام فقهاسنک بیان ایتدکلی احکام در . ائی بیلملی که هر بر حاده فقہ اسلامی ایله حل و فصل اولنور . فقہ اسلامی هیچ بر حاده قارشوسنده عاجز قالماز .

دین اسلامده مبدأ حرکت بی بشر حقه ده خیر خواهلقد در ، ارشاددر ، تعلیمدر ، شفقتدر ، سترعیوبدر ، بر و تقواده معاونتدر ، خیره دلالتدر ، استشاره خصوصنده عدم خیانتدر . بویوکر حقه ده منقبه لر ذکر ایتدکدر ، اونلر حقه ده حرمت بیله مکدر ، خیر خواهلر علی العموم انسانیه قارشیدر . چونکه دین اسلامده مقصود ، بشرینک سعادت و سلامتی تأمیندر .

